

燕王令旨為報

父讎事諭普天之下藩屏諸王大小各衙門

吏軍民人等曰惟我

父皇太祖高帝奉

天承運為華夷一大統天下生民之主


天位以來誕敷

聖澤廣被萬邦彌扇

仁風溥及八表使天下雍雍熙熙無一物不

得其所何異唐堯虞舜之世哉

父皇可謂道同邃古德齊前聖雖漢唐開國之



君豈能企及者哉然而四海既平天下底定以

長子立爲皇太子餘無分嫡庶悉皆裂土封王各守藩屏同享富貴以爲子孫萬世之計豈期數年以來不幸

皇太子薨逝秦晉二王相繼而卒我

父皇慈念皇太子蚤遂立其次子爲皇太孫居東宮洪武三十一年閏五月初十日不幸

父皇賓天皇太孫即

帝位然我衆王不敢以叔道自尊凡表奏稱

賀頓首百拜萬死謹言何則曰欽遵

父皇明命不敢爲一毫之非禮臣子之情至矣盡矣然而

帝年幼冲即位以來任用姦邪小人貪墨猾吏爲六部都察院左班文職等官日以耳言巧計蔽君之聰明使君淫酗酒色不遵喪制不孝於

祖不親政事崇信姦回放黜師保屏棄典刑殘害骨肉於是穢惡感怒于

天京城地震十日山崩水溢天火焚其府庫二

月霹靂火^大風雨發屋拔木蝗虫徧生於隴
畝占書日地震者地德至靜欲其常安不
欲動搖若主弱臣強地必震動臣下擅權
則土爲不寧而變性生焉陽伏不能出陰
迫不能入陰陽相激地必震動動於宗廟
宮殿者人君失位國無忠臣誅罰不以理
上下不相親也山崩水溢者五行失序也
此公輔之象賢人退小人進則山崩山無
故自崩國易政人主失位民流散也天火
焚其府庫者賞罰不明也燒宮室者君不
思道厥妖火燒宮也霹靂火風雨發屋拔
木者小人在位賢人出走君用諛言殺正
人也蝗虫徧生於隴畝者佞臣輔君以貪
之政邪臣在位則虫食苗葉君用才不當
臣不任職則虫食苗莖佞臣在朝則虫食
苗節君用殘賊則虫食苗根也吁
天之警戒如此猶不恐懼脩省而改其惡也此
皆齊尚書黃大卿左班文職等官諛佞君
容行不道苦軍害民惟以誅滅親王爲心
以致災異如此也先是

父皇有疾有勅符宣我第四子來姦臣齊尚書
匿其使命使我

父子不得相見至於

父皇疾革數數問曰第四子來否豈知姦臣齊

尚書陰謀用心如此所以

父皇有疾焉肯令諸子知之至於升遐亦不即

報我諸子奔喪至今不知

父皇得何疾用何藥而弗救至於大故閏五月

初十日亥時崩寅時即歛古禮三日而歛

俟其復生也不知何為如此之速也停棺

不於中殿七日則葬古禮天子七月而葬

不知何為如此之速也餘以此理不知出

於何典今見

詔內言燕庶人

父皇太祖皇帝葬以庶人之禮也其可哀也矣

其可痛也矣故

父皇實天一月諛發

詔令親王及天下百姓知之如此則我親王與

庶民同也禮乎非禮乎况

父皇賓天葬禮未具即拆毀宮殿握地五尺不

知
父皇得何罪而至如此也况

帝即位之初嘗諭普天下文武百官其中有
云

太祖皇帝用心三十年大綱紀大法度都擺布
定了如今想着

太祖皇帝開基創業平定天下便如做下一所
大房子與衆人住的一般若是做官的政
事上不用心不守法度便似將房子拆毀
了却要在房子裏安隱住的一般世間安

有此理旨哉言乎今

上位聽信姦臣齊尚書等之言即將

祖業房拆毀與

詔旨大相違背使天下人皆欲守其法度亦
難矣哉孔子曰父在觀其志父沒觀其行
三年無改於父之道可謂孝矣我

父皇存日長與我衆王曰我爲天子蓋造宮殿
不過欲壯觀天下萬邦來朝使其觀瞻知
中國天子之尊嚴如此也然此勞民苦軍
費用錢糧豈易爲爾故我今日蓋此宮殿

極爲堅久壯麗使後爲帝者享不須再造
勞軍苦民今將

祖業拆毀禮乎非禮乎又齊尚書嘗奏凡朝

凡筵揖而不拜及乎

小祥節屆亦不親行祭祀至於各王差官到
京行祭祀之禮及奏事將百戶林王鄧庸等
擎下囚繫捶楚鍛鍊令其誣王造反此何
禮也齊尚書又誣親王擅自操練軍馬造
作軍器必有他圖齊尚書明知

皇明祖訓兵衛內三條凡親王教練軍士一月

十次或七八次五六次若臨事有警或王
有閑暇則數不拘又云凡王入朝其隨侍
文武官員馬步旗軍不拘數目若恐供給
繁重斟酌從行者聽其軍士儀衛旗幟甲
仗務要鮮明整肅以壯臣民之觀於洪武
二十五年春

父皇太祖高皇帝特

詔諸王赴京賜

勅內一件云常歲訓將練兵驗視周回封疆
險易造作軍器務要精堅堪用庶使姦邪

難以口舌惑聽

勅後書云洪武二十五年正月二十一日早朝

後午時分

朕於奉天門命翰林修撰練子寧許觀編脩吳

信三員執筆聽命

朕口占以成以示後人以辯貞偽孫允燠親目

之後發行故勅我想

太祖皇帝以諸子出守藩屏使其常歲操練軍

馬造作軍器爲欲防邊禦寇以保

社稷使

帝業萬世故也豈有他心哉其柰姦臣齊尚書

黃大卿左班文職等官不遵

祖法恣行姦宄操威福與奪之權天下之人但

知有齊忝等不知有

皇帝也然而

帝被姦臣所惑溺甚故我

父皇骨肉未冷陵土未乾將后母盡妻之以流

言而罪周王破其家滅其國將周王次妃

選有色者亦盡妻之未旋踵而罪代王出

其宮人悉配於軍至於湘王無罪聽諛臣

之言賜其合宮焚死齊王無罪又聽讒臣之言降為庶人因在

京護衛侍從人等盡行撥散及乎岷王又聽姦臣左班文職齊尚書等官之言以金帛賞其左右使其誣告岷王降為庶人流于漳州煙瘴地面余想齊尚書黃大卿等姦和小人貪墨猾吏皆我

父皇誅不盡之餘黨今為左班文職之臣恣用姦謀殺我

父皇之子孫報其私讎快其心志嗚呼彼人之

毒甚於狼虎我

父皇能有幾多子孫受彼之害能消幾日而盡痛心疾首豈勝言哉不意姦臣齊尚書等使令惡少謝貴等為北平都司官棗貴為布政司官有本府長史葛誠同心設計來謀殺我於六月將軍馬圍住外墻用柵水截我端禮四門行路殺守王城之卒外城上軍士披甲執杖鑼鼓叫呼聲震城野使人坐食惶懼不安我亦苦耐之至七月初五日來謀殺我約申時引兵如王城當日

有都指揮張信來透消息爲保性命不得已於未時動兵擒獲逆賊謝貴等了當七月十六日都督宋忠等領馬軍八千步軍一萬二千及調山西萬全懷安宣府前衛軍馬一萬前往懷來下營其會各處軍馬來攻北平余故不免帥精騎八千直抵懷來與忠軍交戰自辰至午忠軍大敗獲馬口千生擒逆賊宋忠都指揮孫泰俞瑱等盡行殺死餘衆悉降八月姦臣齊尚書又行矯

詔使長興侯耿炳文等領軍馬三十萬前來雄縣真定駐營其會各處軍馬來攻北平不免又行親師軍馬往彼迎敵於當月十六日破雄縣斬首九千餘級獲馬三千疋生擒都督潘忠指揮楊松二十五日大破真定將逆賊長興侯耿炳文所領軍馬盡行殺敗斬首五萬餘級獲馬二萬五千餘匹生擒左副大將軍駙馬李堅右副將大軍甯忠右軍都督顧成河北都指揮劉遂餘衆悉降咸有歸于原衛江陰侯吳高都督

耿璘楊文將領遼東軍馬來圍永平我親
將騎士三萬九千倍道兼行直抵永平吳
高等聞風夜遁追奔百餘里斬首千餘級
仍將軍馬到大寧兵臨其城余諭以

太祖皇帝恩養厚德都指揮房寬領軍馬出城
未降所以逆賊朱鑑卜萬凌蓬處死了當
惟都督劉真都督陳亨將領軍馬守住松
亭關不肯來降我親帥精銳騎士三萬襲
破其營生擒都督陳亨劉真單騎遁去大
寧遂平姦臣齊尚書等出榜令軍民罵焚

賊父子

太祖皇帝我之

父也罵燕賊父子是罵

祖與叔父爲賊豈非大逆不道姦臣齊尚書等
如此無禮其罪尚何如哉未幾姦臣齊尚
書黃太卿等左班文職又行矯

詔使令曹國公李景降領天下都司軍馬五十
餘萬於十月初六日來攻北平圍之城必
欲殺我我謂天下官軍何不念

太祖皇帝恩養厚德留我一二親王以奉

祖宗香火豈不然哉故我仰賴

祖宗積德之深於是親帥軍馬以寡敵衆將景隆所領天下軍馬盡行殺敗斬首一十五萬九千餘級餘衆降者咸省歸于原衛景隆等夜遁而去然余用用兵所向克捷此余平日存忠之心故

天地祖宗神明憐而佑我也若不如此縱用兵如孫吳亦無能爲也余想姦臣齊尚書等必欲壞我

父皇子孫基業蕩盡無餘將以圖天下也何其

如此之苦毒也哉竊惟我

父皇親親之心天下人之所共知者且如靖江王守謹其祖爲惡至於守謙累惡不悛降

爲廢人我

父皇思念祖宗尚不忍破其家滅其國復立其長子爲靖江王諸子皆爲鎮國將軍享有爵祿與

朝廷同其久永也今周齊湘代岷五王皆

父皇親子縱有其惡亦當寬如何況無惡之實

迹

皇明祖訓法律內條凡風憲以王小過奏聞離
間親親者斬風聞王有大故而無實迹可
驗輒以上聞者其罪亦同姦臣齊尚書左
班文職等官不遵

祖訓助君爲惡而遂至如此使我衆王日夜驚
憂飲食睡夢不遑寧處况余自

父皇賓天以來抱病持服未嘗一日離苦次遵
其新法毋敢小犯惟日守分而已柰其誅
滅五王又未殺我顧余匪才乃

父皇太祖高皇帝親子

母后孝慈高皇后親生

皇太子親弟忝居衆王之長禮曰父之讎不
共戴天子弟之讎不反兵今姦臣齊尚書黃
太卿等余必不與之共戴天不報得此讎
縱死亦不已故用欽遵

皇明祖訓法律內條躬行帥領精兵三十萬誅
討左班文職姦臣已行傳檄天下都司并
各處衛分指揮官吏當思我

父皇恩德厚德同心戮力整爾士卒礪爾戈矛
星馳前來共行捕獲左班文職姦臣獻俘于

祖宗神明令受非常之刑憲上以正其君下以安其軍民使我

父皇子孫基業以永萬世豈不然哉嗚呼

皇天后土常以大中至正而爲心

祖宗神明寧無誅姦去和而爲念故用諭示普天之下藩屏諸王暨大小各衙官吏軍民人等咸使知

朝廷左班文職姦臣大逆不道我

父皇之讎爲子者其可不報矣乎其可不報矣

乎故 奏本附錄布告天下咸使知聞

燕王臣棟謹

奏爲報

父讎事臣稽首頓首百拜昧死言曰臣聞天下之至尊者莫若君與親也故臣之於君子之於父必當盡其禮而已爾盡其禮者不敢忘其大本大息也大本大息之所以不敢忘者亦理之當然也故臣之於君則止乎忠子之於父則止乎孝如臣不忠於君子不孝於親者是忘大本大息也此豈人之類也歟若然則君親之大本大息爲臣

子者既不可以不報則君親之讎爲臣子者其可不與君親報乎禮曰父之讎不共戴天兄弟之讎不反兵今我

太祖高皇帝臣之

君也父也君親之讎其可不報矣乎我

父皇存日因春秋高故每歲

宣藩屏衆王或一度或兩度赴京朝覲

父皇謂衆王曰吾之所以每歲喚爾諸子或一

度或兩來見者何也我年老慮病有不測

而去則弗能見爾輩往來富勞動耶

父皇健日尚如此

父皇既病久焉得不來

宣我諸子見也不知

父皇果何病也亦不知用何藥而弗救以至大

故也禮曰君有疾飲藥臣先臣先嘗之親

有疾飲藥子先嘗之臣忝爲

父皇親子分封於燕去京三千里之遠每

歲朝

覲馬行不過七日抵京

父皇病既久如何不令人來報得見

父皇一百如何病用何藥盡人子之禮也焉有父病而不令子知者焉有爲子而不知父病者天下豈有無父子之國也使其父子者決非人之類也况

父皇五月初十日亥時崩寅時即歛不知何爲如此之速也禮曰三日而歛候其復生也

今
父皇不一日歛禮曰非禮乎古今天下自天子至於庶人焉有父死不報子知者焉父死而不得奔喪者也何故

父皇賓天一月才發

詔令親王及天下百姓知之如此則我親子與庶人同也禮乎非禮乎又不知

父皇停棺何所七日之葬禮曰天子七月而葬今

父皇七日即葬不知何爲如此之速也臣以此理不知出於何典今見

詔內言燕庶人之禮也其可哀也矣其可痛也矣

父皇賓天葬禮未具即將宮殿拆毀掘地五尺

不知

父皇得何罪而至如此也况

陛下即位之初嘗諭普天下文武百其中有云
太祖帝皇用心三十年大綱紀大法度都擺布
定了如今想著

太祖皇帝開基創業平定天下便如做下一所
大房子與衆人住的一般若是做官的政
事上不用心不守法度便似將房子拆毀
了却要在房裏安隱住的一般世間安有
此理旨哉言乎今

陛下聽信姦臣齊尚書等之言即將

祖業拆毀與

詔旨大相違背使天下之人皆欲守其法度亦
難矣哉孔子曰父在觀其志父沒觀其行
三年無改於父母道可謂孝矣我

父皇存日長與我衆生曰我爲天子蓋造宮殿

不過欲壯觀天下萬邦來朝使其觀瞻知
中國天子之尊嚴如此也然此勞民苦軍
費用錢糧豈易爲爾故我今日蓋此宮殿
極爲堅久壯麗使後爲帝者享用不須再

造勞民苦軍也今將

祖業拆毀禮乎非禮乎臣於

父皇賓天便欲詣京究問復恐外人不知者以

臣為有他心犯

陛下也故不敢出一言吞聲忍氣而淚從腹中

落也不意在朝左班文職齊尚書黃太卿

等官皆是姦稚小人貪墨猾吏皆我

太祖皇帝誅不盡之餘黨又行結構為我以

陛下年少寬容每用巧言欺惑變亂

祖法豈不知

皇明祖訓御製序云凡我子孫欽遵

朕命毋作聰明我亂已成之法一字不可改易

非但不負

朕垂法之意而

天地祖宗亦將予祐於無窮矣嗚呼其敬戒之

哉況齊尚書嘗奏凡朝

几筵揖而不拜及乎

小祥節留亦不親行祭祀至於各王差官到

京行祭祀禮及奏事將百戶林王鄧庸等拏

下囚繫捶楚鍛鍊令其誣王造反此何禮

也齊尚書又誣親王擅自操練軍馬造作軍器必有他圖齊尚書明知

皇明訓祖兵衛內二條凡王教練軍士一月十次或七八五六次若臨事有驚或王有閑暇則適數不拘數目若恐供給繁重斟酌從行者聽其軍士儀衛旗幟甲仗務要鮮明整肅以壯臣民之觀於洪武二十五年

春

父皇太祖高皇帝特

詔諸王赴京師

勅內一件云常歲訓將練兵驗視周回封疆險

易造作軍器務要精堅堪用庶使姦邪難

口舌惑聽

勅後書云洪武二十五年正月二十一日早朝

後午時分

朕於奉天門命翰林脩撰練子寧許觀編修吳

言信三員執筆聽命

朕口占以成以示後人以辨真偽孫允效親目之後發行故勅臣想

太祖皇帝以諸子出守藩屏使其常歲操練軍

馬造作軍器為欲防邊禦寇以保

社稷使

帝業萬世故也豈有他心哉其柰姦臣齊尚書

黃太卿左班文職等官不遵

祖法恣行姦究操威福與奪之權天下之人但

知有齊太等不知有

陛下也七月以來詐傳

聖旨使令惡少都督宋忠都指揮謝貴等來謀

殺臣臣為保性命不得已而動兵擒獲反

賊宋忠謝貴等了當已行具本奏

聞拘留宋忠謝貴等在官欽俟降

旨誅決到今不蒙

示諭其柰齊尚書又行矯

詔令長興侯耿炳文等領軍馬駐營雄縣真定

來攻臣北平臣為保性命不得已而又行

動兵殺敗逆賊耿炳文所領軍擒獲駙馬

李堅都督潘忠竄忠顧成都指揮劉遂指

揮楊松等了當姦臣齊尚書出榜令軍民

罵燕賊父子

太祖皇帝我之

父也罵燕賊父子是罵

祖與叔父為賊豈大逆不道姦臣齊尚書如此

無禮其罪當何如哉不意十月初六日又

矯

詔令曹公國李景隆等領天下應軍馬來攻臣

北平城欲殺臣臣不免親帥精兵尽行殺

敗李景隆等夜遁而去若是如此齊尚書

等必欲殺我

父皇子孫壞

父皇基業意在蕩盡無餘將以圖天下也此等

逆賊臣必不與之戴天不與

父皇報得此讎臣縱死亦不已也今臣昧死上

奏

皇帝陛下憐

父皇太祖高皇帝起布衣奮萬死不顧一生艱

難創業分封諸子令

陛下聽姦臣之言

父皇親子諸城殆盡伏望

陛下俯賜

仁慈留我

父皇太祖皇帝一二親子以奉

祖宗香火至幸至幸臣以

陛下累發軍馬來攻北平必欲殺臣臣為保性

命將數十萬人眾俱是捨死忘生之人報我

父皇太祖皇帝平日恩養厚德保我

父皇子孫盡力効忠於今日古諺云一人拚命

千夫莫當縱

陛下有數百萬之眾亦無如之何也伏望

陛下體

上帝好生之心萬驅無罪之人死於白刃之下

其恩莫大也臣復請

陛下但

父皇宮中曾侍病老宮人并長隨內官及用藥

醫官管辦葬事及監拆宮殿等官姦臣齊

尚書黃太卿應有左班文職等官發來與

臣軍究問願

皇帝陛下奉承

祖宗之訓以安

聖心永為

社稷之主使天下之生民各得其所也如

陛下聽姦臣之言執而不發臣親帥精兵三十萬直抵京城索取去也此等皆我

父皇之讎人臣必不與之共戴天臣若不與

父皇報得此讎是臣為子不孝也為子不孝此

是忘大本人恩也其人之類也歟今將合

發姦臣數日開生于後

一宮侍病老宮人 一長隨內官

一太醫院官 一禮部官

管辦典事官

監造孝陵駙馬等官

監拆毀宮殿工部內官

一姦臣齊尚書黃太卿 應有左班文

職等官

如上逆黨一一如數發臣臣軍前究問的

即行差官管押赴京具本奏

聞伏取

聖明處處如果不發姦臣齊忝等臣必不休也

若臣兵抵京赤地千里臣冒瀆

天威無激切恐懼之至臣稌稽首百拜昧死謹

具聞

